



## SULERIAASISSAQ

### Meeqqanut Ilaqutariinnermullu Ataatsimiititaq

Kommunit aqunneqarnerat pillugu inatsimmi nr. 29, 17. november 2017-imeersumi § 28 imm. 2 naapertorlugu, tulliuuttuni aqutsinermut inatsimmi taaneqartumi, ataatsimiititaliat ataavartut sulinerminni suleriaasissatut maleruagassartik namminneq aalajangersartarpaat:

#### Ataatsimiititap sulinera.

- § 1. Aqutsinermut inatsimmi § 29 aamma Kommuneqarfik Sermersuumi Aqutsinermut ileqqoreqqusami § 5, imm. 5. aamma § 10 naapertorlugit, ukiumoortumik missingersuutini killiliussat iluini akuersissutigineqartut, kommunalbestyrelsillu akuersissutigisai naapertorlugit ataatsimiititap susassaqrarfiit suliakkiutigineqartut isumagissavai. Ataatsimiititaq suliani, inatsit naapertorlugu aamma ataatsimiititamut suliakkiutigineqartunut aalajangiisassaaq.

#### Siulittaasumik siulittaasullu tullianik qinersineq.

- § 2. Ataatsimiititaq nutaamik qinerneqartoq piffissap suliffiusussap aallartinnginnerani inissitsiterfiusumik ataatsimiisssaaq. Ilaasorta q sivilunerpaamik kommunalbestyrelsimut ilaasortaasimasooq ataatsimiinnissamat ataatsimiigiaqqusisuussaaq. Arlallit sivilisoqatigiimmik ilaasortaasimappata, taakkunannga angajulleq ataatsimiigiaqqusisuussaaq.

Imm 2. Inissitsiterfiusumik ataatsimiinnermi ataatsimiititaq siulittaasussaminik amerlanerussuteqarnikkut qinerissaaq, aqutsinermut inatsimmi § 27, imm 1. naapertorlugu. Qinersineq ataatsimiigiaqqusisumit aqunneqassaaq.

Imm 3. Siulittaasumik qinersisoqareerpat, ataatsimiititap aalajangissavaa siulittaasup tullianik qinersisoqassanersoq. Taamaattoqassappat qinersineq siulittaasumit aqunneqassaaq, taannalu pisinnaangippat, siulittaasumik qinersinnermi aqutsisoq qinersinnermik aqutsissaaq. Qinersineq siulittaasumik qinersinnermi malittarisassat assingi malillugit ingerlanneqassaaq.

Imm 4. Siulittaasup sivikitsumik ataatsimeeqataannnginnerani siulittaasup tullia ataatsimiinnermi aqutsisuussaaq. Siulittaasup sinnisussaaq ataatsimiigiaqquneqarpat, taanna ataatsimiititami ilaasortat inississaaq.

Imm. 5. Qinigaaffiup naannnginnerani siulittaasooq tunuassappat, imm. 2-mi periuseq nassuiaatigineqartoq naapertorlugu, ataatsimiititaq siulittaasussaminik nutaamik qinersissaaq.

#### Ataatsimiititap ataatsimiittarnissai.



§ 3. Aqutsinermut inatsimmi § 28, imm. 1 naapertorlugu ataatsimiititap sulinini ataatsimiinnerni ingerlatissavaa. Ataatsimiititap ataatsimiinneri matoqqasuupput.

Stk 2. Ataatsimiititap ataatsimiittarnissamini piffissaq nammineq aalajangersassavaa.

Imm 3. Pisariaqavissumik ataatsimiinnissanik kinguartitsineq aammalu immikkut itumik ataatsimiinnerit pisassapput siulittaasup pisariaqartikkaangagu, imaluunniit ikinnerpaamik ilaasortat pingajorarterutaasa tamanna piumasarigaangassuk. Siulittaasup aalajangertassavaa immikkut itumik ataatsimiinnissat qaqugu sumilu pinissat.

Imm 4. Ilaasortaq ataatsimeeqataasinnaangippat, ilaasortap sinniisussaa ilaasortap ataatsimeeqataasinnaanginnera tamaat ataatsimeeqataasassaaq. Ilaasortaq ataatsimiititap ataatsimiinnerani peqataasinnaangikkuni, sapinngisamik piaartumik imaluunniit kingusinnerpaamik ataatsimiinnissaq ullunik marlunnik sioqqullugu kommuneqarfik@sermersooq.gl-imut, ataatsimiititap allattaa mailikkut CC-kkut ilanngullugu nalunaaruteqartassaaq. Tamatuma kingornagut allaffeqarfimmit sinniisussaq ataatsimiigiaqquneqassaaq.

Imm 5. Ataatsimiititap allattaata ataatsimiinnerit najuuffigissavai, ataatsimiititaq allamik aalajangiisimangippat. Aqutsinermut inatsimmi § 28, imm. 4 naapertorlugu ataatsimiititaq isumaqarpat suliamut tunngatillugu paasissutissiisuteqartoqassasoq, inuit allat, kommunimi atorfeqartut, ataatsimiinnermi najuussinnaapput.

Imm. 6. Aqutsinermut inatsimmi § 28, imm. 4 naapertorlugu ataatsimiititaq kommunimi sulisuunnigitsunik suliap suliarinerani aggersaasinnaavoq, suliap paasissutissiiffiginissaanut tamanna kissaatigineqarpat.

#### Oqaluuserisassat suliallu saqqummiunnegarneri.

§ 4. Aqutsinermut inatsimmi § 27, imm. 1 naapertorlugu ataatsimiititap siulittaasua ataatsimiinnissamut oqaluuserisassaliussaaq, ilaasortanillu ataatsimiinnissamut ataatsimiigiaqqusilluni. Ileqquusumik ataatsimiinnissanut oqaluuserisassat aammalu suliat suliarineqarnissaannut paasissutissat pisariaqartut sapinngisamik ataatsimiititamut ilaasortanut ataatsimiinnissaq kingusinnerpaamik ulluinnarnik sisamanik sioqqullugu nassiuqqassapput.

Oqaluuserisassat ilanngussallu politikerit elektronikkikkut atortorissaarutaatigut politikerinut ataatsimiinnermi paasissutissanik nassiussiviusartumi pissarsiarineqarsinnaassapput.

Imm 2. Ataatsimiititami ilaasortaq kinaluunniit kommunip susassaqarfii pillugit apeqquteqarsinnaatitaavoq, ataatsimiititap susassaqarfiisa iluaniittunik. Apeqquteqaat naatsuliarineqarsimassaaq ersarissuliarineqarsimassallunilu naatsumillu tunngavilersuutitaqartinneqassalluni. Apeqquteqaat allaganngorlugu apeqquteqaatigineqassaaq, Pisortaqatigiit Allatseqarfianullu tunniunneqassalluni.

Pisortaqatigiit Allatseqarfiata apeqquteqaat ingerlatsivimmi pisortamut susassaqartumut ingerlateqqissavaa, taassumalu nalilissavaa apeqquteqaat allaffissornikkut akissuteqarfigneqarsinnaanersoq. Apeqquteqaatit allaffissornikkut akissuteqarfigneqarsinnaasut akissuteqarfigneqassapput sapinngisamik ullut 14-it qaangiutsinnagit.



Apeqquteqaat akissuteqarfigineqarsinnaangippat apeqquteqaat akissuteqarfigisassanngorlugu ataatsimiititamut susassaqartumut tunniunneqassaaq.

Apeqquteqaatit allaffissornikkut ullut 14-it qaangiussimatillugit akissuteqarfigineqarsimasut ataatsimiititanullu susassaqartunut akissuteqarfigisassanngorlugit tunniunneqarsimasut pillugit, apeqquteqaateqartoq ilisimatinneqassaaq.

Apeqquteqaatip assilinera kiisalu akissuteqaatip assilinera nassiussinermi kommunalbestyrelsimut ilaasortanut tamanut nassiunneqassapputaaq.

Imm. 3: Immikkut ittumik ataatsimiittoqarnissaanut aggersaanermi ataatsimiititami siulittaasup ilaasortat sapinngisamik ataatsimiinnermi suliat suliarineqartussat pillugit ilisimatittassavai.

Imm. 4: Ilaasorta q kinaluunniit ataatsimiinnerup aallartinnerani ullormut oqaluuserisassani oqaaseqarumasinnaavoq.

Imm. 5: Aalajangiussassatut siunnersuummik oqaluuserisassat nassiunneqareernerisa kingorna aatsaat nassiussisoqassagaluarpat, oqaluuserisassanulli ilanngunneqarsinnaasumik, tapiliussatut oqaluuserisassanngortinneqassaaq, taannalu oqaluuserisassat nalinginnaasumik nassiunneqartarnerisulli malittarisassat assingi malillugit ilaasortanut nassiunneqassaaq. Tapiliussatut oqaluuserisassat nassiunneqarnerini tamatigut ileqquusumik oqaluuserisassani immikkoortup imaluunniit immikkoortut pineqartut pillugit tunngavilersuutaa ilanngunneqartassaaq.

Imm. 6: Suliaaqq ileqquusumik oqaluuserisassanut ilanngullugu nassiunneqarsimanngitsooq imaluunniit oqaluuserisassanut tapiliussanut ilanngunneqarsimanngitsooq oqaluuserineqarsinnaavoq, kinguartinneqarsinnaanngitsutut nalilerneqarpat.

Imm. 7: Suliat, ataatsimiititamut saqqummiunneqannginneranni naammattumik erseqqissarneqarsimanersut, siulittaasup nakkutigissavaa.

### **Aalajangiisinnaatitaaneq, ataatsimiinnermik aqutsineq suliallu saqqummiunneqartarneri.**

§ 5. Ilaasortat ikinnerpaamik affaat najuuppata, ataatsimiititaq aalajangiisinnaatitaavoq. Aqutsinermut inatsimmi § 28, imm. 1 naapertorlugu aalajangernerit tamarmik amerlanerussuteqarnikkut pisassapput.

Imm. 2: Aqutsinermut inatsimmi § 27, imm. 1 naapertorlugu ataatsimiititap ataatsimiinneri siulittaasumit aqunneqassapput. Siulittaasup peqannginnerani ataatsimiinneq siulittaasup tullianit aqunneqassaaq, taamaanngippallu ataatsimiititami ilaasortap kommunalbestyrelsimut sivilunerpaamik ilaasortaasimasup ataatsimiinneq aqussavaa, imaluunniit, arlaqartut siviloqatigiimmik ilaasortaasimappata, taakkunannga angajulliup ataatsimiinneq aqussavaa, Ataatsimiinnermi aqutsisup isumaqatiginninniarnermi apeqqutit tamaasa aalajangiiffigisassavai. Ilaasorta q kinaluunniit ataatsimiinnermi aqutsisup suleriaatsimi aalajangersakkanik paasinnissinnaaneq tunngavigalugu aalajangiineranik malinnissinnaatitaagallarpoq.

Imm. 3: Suliat siulittaasup tulleriaarinissamik aalajangiinera naapertorlugu suliarineqassapput, taamaasillunilu oqaluuserisassani tulleriaarisimaneq sanioqqutsissinnaallugu. Kisianni,



ataatsimiititami ilaasortap ataatsip kissaatigippagu, suliat qanoq tulleriarneqarlutik suliarineqassanersut, ataatsimiititap aalajangissavaa.

Imm. 4. Siulittaasoq, aqutsinermut inatsimmi § 27, imm 2 naapertorlugu, ataatsimiititaq sinnerlugu sulianik kinguartinneqarsinnaanngitsunik, imaluunniit nalornissutaasinnaanngitsuni, aalangiisinnaatitaavoq. Suliassani inatsisiliornikkut ataatsimiititamut suliassanngortitaasimannngitsuni kinguartinneqarsinnaanngitsunili ataatsimiititami siulittaasup aalangiitinnani borgmesteri ilisimatittassavaa, tamannali atuutinngilaq suliassani ataatsimiititamut suliassanngortinneqarsimasuni.

Imm. 5. Immikkoortut taasissutigineqartussat siulittaasup oqaasertalersussavai.

Imm 6. Ilaasortaq kinaluunniit, aqutsinermut inatsimmi § 27, imm 3 naapertorlugu, siulittaasup ataatsimiititami sulinera pillugu sunilluunniit apeqquteqaateqarsinnaatitaavoq, aammalu ataatsimiititap paasissutissanik piumasaqaataanik tamanik siulittaasoq paasissutissiissaaq. Siulittaasoq sutigut tamatigut ataatsimiititap aalajangersimasaanik naapertuisussaataavoq.

Imm. 7. Ataatsimiititami ilaasortaq kinaluunniit aqutsinermut inatsimmi § 30 naapertorlugu, ataatsimiinnermi aalajangerneqartumik unitsitsinnaatitaavoq, ataatsimiinnermi, aalajangernissaq kommunalbestyrelsimit aalangiiffigisassanngortillugu aalajangiinermut imaqarniliamut nalunaarutigalugu.

Imm. 8. Aqutsinermut inatsimmi § 39, imm. 2 naapertorlugu ilaasortap ataatsimiititami siulittaasoq ilisimatittassavaa pissutissaqarpat suliani aalajangersimasuni suleqataasinnaanermi apeqqutinngortitsisinnaasunik. Aqutsinermut inatsimmi § 38 naapertorlugu ataatsimiititami aalajangerneqartassaaq ilaasortaq imatut soqutigisaqarnerseq, ilaasortaq ataatsimiititap suliamik suliarinninnerani peqataasinnaannginnerseq imaluunniit peqataasinnaanersaq. Taama ittoqartillugu pineqartoq suliaq pillugu isumaqatigiinniarnermi taasinermilu ataatsimiiffimmiit anissaaq taamaattorli suliap pineqartup eqqartorneqarnerani ilaasortaq anissanersaq pillugu ataatsimiititap isumaqatigiinniarnernani taasineranilu peqataasinaalluni.

Imm. 9. Aqutsinermut inatsimmi § 39, imm. 3 naapertorlugu ilaasortap suliamut aalajangersimasumut sammitillugu suleqataasinnaanera apeqquserneqarsinnaasorineqarpat kommunalbestyrelsimut gruppimi qinigaacaqatigisimasaani ilaasortat, aammalu ilaasortaq kisimiilluni qinigaasimappat, suleqataasinnaanera, apeqquserneqartoq nammineq sinniisussamik ataatsimiititaliap sulineranut aggersaasoqarnissaanik piumasaqarsinnaavoq.

Imm. 10. Ataatsimiititaq ilaasortap suleqataasinnaannginneranik aalajangiippat, sinniisussamik aggersaasoqarsimanngippat, taava kommunalbestyrelsimi ilaasortat pineqartup qinigaacaqatigisimasai, aamma pineqartoq kisimiilluni qinigaasimappat, ilaasortap nammineq, piumasaqarsinnaapput suliaq tulliani ataatsimiinnissamut kinguartinneqassasooq. Kinguartitsisinnaanerli periarfissaassanngilaq kinguartsinerup kingunerissappagu piffissaliussat kommunip pisussaaffigisai eqqortinneqassanngippata.

Imm. 11. Aqutsinermut inatsimmi § 28, imm. 1 naapertorlugu ilaasortat sinniisussallu ataatsimiititami taasinerne aatsaat peqataasinaapput, najuullutik ataatsimeeqataagunik imaluunniit tele attaveqaatit ikiorsiullugit ataatsimeeqataagunik.



Imm. 12. Oqaluuserisassat, oqaluuserisassatut siunnersuutit atortussallu kommunimi allaffeqarfimmit suliarineqarsimasut kalaallisut qallunaatullu suliarineqarsimassapput, ilanngussat allatullu paasissutissat kommunip avataanit suliarineqarsimasut taakku oqaasii atorlugit suliarineqarsimanerisut saqqummiunneqassapput.

### **Aalajangiinermut imaqarniliaq.**

§ 6. Siulittaasup akisussaaffigivaa, ataatsimiititami aalajangernerit aalajangiinermut imaqarniliamut allanneqarnissaat, aqutsinermut inatsimmi § 28, imm 3 naapertorlugu. Imaqarniliaq ataatsimiinnerup naanerani ataatsimiititami ilaasortanit ataatsimeeqataasunit akuerineqarlunilu atsiorneqassaaq. Ilaasortaq ataatsimiinnermi peqataasimanngikkaangat, aalajangiinermut imaqarniliamut allanneqartassaaq. Ilaasortaq kinaluunniit allatut isumaqaruni imaqarniliamut allattaavimmut allaanerusumik isummaminik allaqqusisinnaatitaavoq. Ilaasortani taakkunani kinaluunniit piumasaqarsinnaavoq isummani allaasoq naatsumik aalajangiinermut imaqarniliami allanneqaqqullugu, sulianilu pisortatut oqartussaasunut allanut ingerlateqqitassani piumasarisinnaallugu taassuma aamma imaqarniliap imaanik ilisimatinneqarnissaat. Aqutsinermut inatsit § 16, imm. 1 aamma § 28, imm. 3 naapertorlugit ilaasortap taassuma suliap nassiunneqarneranut atatillugu isummernerminut tunngaviliussani ilanngussinnaavaa.

Imm. 2. Ilaasortaq taasisimanini allamilluunniit peqquteqarnini innersuussutigalugu, aalajangernermut imaqarniliamut atsiorumangissinnaavoq.

Imm. 3. Siulittaasup qulakkiissavaa imaqarniliat toqqorneqarnissaat, aammalu ataatsimiinnerup naammassinerata kinguinnguatiqut ilaasortat sinnerisa imaqarniliap assinganik nassinneqarnissaat qulakkiissallugu.

Imm. 4. Aqutsinermut inatsimmi § 28, imm. 3 naapertorlugu aalajangiinermut imaqarniliat atsioriikkat Naalakkersuisunut nassiunneqarnissaat siulersuisup qulakkiissavaa.

### **Nipangiussisussaataaneq.**

§ 7. Ataatsimiititami ilaasortat nipangiussisussaataapput, tamanna pillugu inatsimmi malittarisassat naapertorlugit.

Imm. 2. Ataatsimiititap ataatsimiinneri matoqqasuupput, eqqartorneqartullu allamut ingerlateqqitassaannngitsutut isigineqarput. Ataatsimiititap aalajangernerit tamanut nalunaarutigineqarsinnaapput, kisianni paasissutissat nipangiussisussaataanerminut tunngasut pinnagit.

Imm. 3. Ilaasortaq kinaluunniit paasissutissiisinnaatitaavoq, nammineq qanoq oqaaseqarsimanerminik taasisimanerminillu, nipangiussisussaataanerminut tunngasut kisiisa pinnagit.

### **Ataatsimiititap aalajangernerinik suliaqarneq piginnaatitaaffinnillu agguaassineq.**





- § 8. Siulittaasup qulakkiissavaa ataatsimiititap aalajangernerisa naammassineqarnissaat. Siulittaasup nakkutigissavaa, suliat arlaannaalluunniit pisariaqanngitsumik kinguarsameqartariaqanngitsut.  
Imm 2. Suliat, ataatsimiititamut saqqummiunneqannginneranni naammattumik erseqqissarneqarsimanersut, siulittaasup nakkutigissavaa.
- § 9. Ingerlatsiviup siulittaasullu aalajangiisinnaatitaanerata ataatsimiititami aalajangiisoqarneratigut agguataarneqassapput, aammalu inatsimmi atuuttumi malittarisassat malinneqassapput.

Imm. 2. Ataatsimiititami isumaqatigiinnikkut suliat aalajangersimasut imaluunniit sueneri apeqqutaatillugit siulittaasumut suliaqutiginneqarsinnaapput. Ataatsimiititaq ataatsimiititami ilaasortanut allanut/kommunalbestyrelsimut siulittaasup saniatigut piginnaatitsisinnaatitaanngilaq.

Imm. 3. Ataatsimiititap amerlanerussuteqalaarnikkut suliassanik aalajangersimasunik suunerilu apeqqutaatillugit ingerlatsivimmu suliaqutiginneqarsinnaavai.

Imm. 4. Ataatsimiititami siulittaasumut ingerlatsivimmullu piginnaatitsilluni aalajangernerit allattorsimaffimmut immikkut nalunaarsorneqartassapput. Allattorsimaffimmi erseqqissumik allassimassaaq, suliassat suut siulittaasumut aammalu suliassat suut ingerlatsivimmu piginnaatitsissutiginneqarsimanersut. Aamma allassimassaaq ulloq suna aalajangerneqarsimanersoq, taamaasilluni suliaq ajornanngitsumik nassaarineqarsinnaaniassammat.

### **Suleriaatsimi allannguutit, atuutilersitsineq.**

- § 10. Suleriaatsimi allannguuteqartitsinerit tapiliussallu ataatsimiititami ileqquusumik marloriarluni ataatsimiinnerni oqaluuserineqassapput.

Imm. 2. Ataatsimiititap suleriaasiani allannguutit borgmesterimut nalunaarutiginneqassapput, suleriaatsip iluarsaatap nassiunneratigut.

### **Atuutilersinnera.**

- §11. Suleriaasissaq manna 9. aggusti 2018-imi atuutilissaaq.

Meeqqanut Ilaqutariinnullu Ataatsimiititap ulloq 9. aggusti 2018-imi ataatsimiinnerani akuersis-sutigineqarpoq.

Uju Petersen  
siulittaasoq